



## **Aningaasaqarnermut Nunanullu Allanut Naalakkersuisoq**

### **Aningaasaqarnermut Ataatsimiititaliap suliaq nr. 01.31.06/06-00189 pillugu tallimanngornermi ulloq 8. september 2006-imi aalajangiinera pillugu Naalakkersuisunut ilisimatitsineq.**

(Naalakkersuisut siulittaasuata ulloq 24. august 2006-imi aalajangiinerani imm. 2)

### **Misissueqqaarnissaq pillugu Alcoa Inc.-imik isumaqatigiissuteqarnerup malitseqartinneqarnera**

#### **Naalakkersuisut inassutigaaat.**

Kontomi pingaarnermi 64.10.17-imi, Nunami inuussutissarsiutinut takornariartitsinermullu tapiissutinut tunngasumi, aningaasaliissutit 1.630.000 kr.-inik amerlineqassasut.

Kontomi pingaarnermi 33.01.01-imi, Avatangiisinut Pinngortitamullu Pisortaqaarfimmut tunngasumi, aningaasaliissutit 120.000 kr.-inik amerlineqassasut.

Kontomi pingaarnermi 20.10.17-mi, Ingerlatsinermut sillimmatinut tunngasumi, aningaasaliissutit 1.750.000 kr.-inik ikilineqassasut.

Kontomi pingaarnermi 64.12.06-imi, Erngup nukinganik misissueqqaarnermut tunngasumi, aningaasaliissutinut tunngavigisat allangortinneqassasut.

### **Aningaasaqarnermut Ataatsimiititaliap oqaaseqaatai**

Avataani misissuinernik sulinermik ingerlatseqatigiiffimmut inissiinissaq pitsaaquteqartutut isigineqartoq Naalakkersuisut qinnuteqaataanni takuneqarsinnaavoq. Taamaattumillu tamanna siunertaralugu GTE A/S-ip ataani piginneqatigiiffimmik pilersitsinissaq naatsorsuutigineqarpoq. Allaffissornermik suliassanik suliassanillu allanik inerisaanermut tunngasunik isumaginninnissamut ingerlatseqatigiiffimmik pilersitsinissap pisariaqassusia ersarilluinnangitsoq Aningaasaqarnermut Ataatsimiititaliamit maannangaaq isumaqarfigineqarpoq. Taamaattumillu ingerlatsinermut tunngasumik suliassat taakku GTE-p ataanut sooq inissiinnarneqarsinnaannginnersut pillugu paasissutissanik pissarsisinneqarnissani ataatsimiititaliap kissaatigaa.

Aamma soqutigisalinnik il.il. ataatsimeeqateqarnermut 175.000 kr.-it atorneqarnissaat naatsorsuutigineqartoq qinnuteqaammi takuneqarsinnaavoq. Aningaasat annertussusiat ataatsimiititaliamit eqqumiigineqarpoq, tamatumalu nassuiarneqarnissaa kiisalu missingersuutitut allassimasup itisiliivigineqarnissaa kissaatigineqarluni.

Kiisalu ataatsimiititaliamut inassuteqaatit kukkuneqartut oqaatigineqassaaq, taasa konto pingaarneq 20.11.50, Ingerlatsinermut sillimmatinut tunngasoq, kukkusumik konto normulerneqarsimammat. Missingersuutinulli ilanngussatut nassiussaq eqqortumik konto normulerneqarsimavoq.

**Aningaasaqarnermut Ataatsimiititaliap aalajangiinera**

Siuliani oqaaseqaatigineqartut innersuussutigalugit Naalakkersuisut inassuteqaataat  
Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Ellen Christoffersen  
Aningaasaqarnermut Ataatsimiititaliap siulittaasua